



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

LXII. Duo Brevia contra Min. Discalceatos ad Curiam Madriti accedentes.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

1679.

tum cum Dño possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præmissorum dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, de memoratorum Cardinalium consilio, ut omnes, & singula Indulgentiæ, ac peccatorum remissiones, ac penitentiarum relaxationes supra narratæ in summario prædicto apponi, & exprimi possint, ac Confraternitatum hujusmodi, & Confratribus, & Confororibus suffragentur, & suffragari debeant in omnibus, & per omnia proinde ac si originales Literæ præfatorum Sixti IV., Clemen. VII., & Gregorii XIII. prædecessorum nostrorum, ac Alexandri Episcopi Nuntii, & Raymundi Cardinalis Legati super eorum concessionibus emanatæ apparent, & exhiberentur, auctoritate Apostolica tenore præsentium concedimus, & indulgemus. Ac ad majorem cautelam, & quatenus opus sit, eisdem Indulgentias, & peccatorum remissiones, & penitentiarum relaxationes modo, & forma supra expressis harum serie de novo in perpetuum concedimus.

Permittitur, ut in Summarium inferi possint prædictæ Indulgentiæ, quæ etiam de novo conceduntur.

Claufulæ.

§. 3. Non obstantibus præmissis, ac Constitutionibus, & Ordinationibus Apostolicis, cæterisque contrariis quibuscumque.

§. 4. Volumus autem, ut earundem præsentium Literarum transcriptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique habeatur, quæ haberetur ipsis præsentibus, si forent exhibitæ, vel offensæ.

Datum Romæ apud S. Petrum sub Annulo Piscatoris die XVI. Junii MDCLXXIX. Pontificatus nostri Anno Tertio.

LXII.

Confirmantur, & innovantur duo Brevia Urbani VIII. pro Provincia S. Josephi Ordinis Minorum Discalceatorum adversus Fratres aliarum Provinciarum ad Curiam Matriti accedentes.

INNOCENTIUS PAPA XI.

Ad futuram rei memoriam.

Dudum fel. rec. Urbanus PP. VIII. prædecessor noster motu suo proprio, ac ex certa scientia omnibus, & singulis cujusvis Provincie Hispaniarum Ordinis Minorum S. Francisci de Observantia Discalceatorum nuncupatorum Fratribus Discalceatis, qui de suorum Superiorum licentia ad Aulam Regiam Matriti pro rebus, & negotiis ibidem gerendis pro tempore se conferrent, in virtute sanctæ obedientiæ, ac sub indignationis suæ, necnon privationis vocis activæ, & passivæ, ac excommunicationis latæ sententiæ pœnis præcepit, mandavit, ne in alia, quam in una ex duabus Domibus Regularibus Sancti Ægidii, & S. Bernardini dicti Ordinis in Oppido Matriti in hujusmodi existentibus, arbitrio tamen Ministri Provincialis Provincie S. Josephi eorumdem Fratrum diversarentur, neve cujusvis generis elemosynam in præfata Aula sub quovis prætextu, aut quæsito colore petere auderent, seu præsumerent, dummodo in eisdem Domibus Regularibus omnia necessaria ipsis Fratribus juxta regularis observantiæ normam ministrarentur, & alias prout plenius continetur in ipsius Urbani prædecessoris literis desuper in simili forma Brevis expeditis, tenoris, qui se-

quitur, videlicet: Urbanus PP. VIII. ad perpetuam rei memoriam. Cum sicut accepimus, licet ex omnibus Provinciis Fratrum Ordinis Minorum S. Francisci de Observantia Discalceatorum nuncupatorum in Regnis Hispaniarum existentibus, Fratres ad S. Ægidii, & S. Bernardini Domos Regulares ejusdem Ordinis Oppidi Matriti Toletanæ Diocesis, pro negotiis, aliisque eorum rebus gerendis se recipere soleant, & illis quo tempore in eisdem Domibus regularibus commorantur, de omnibus rebus ad eorum sustentationem necessariis provideatur, interdum tamen in Domibus Regularibus Fratrum dicti Ordinis non Discalceatorum diversantur, elemosynisque Benefactorum prædictarum duarum Domuum regularium utuntur, exindeque Benefactores ipsi plus æquo gravantur, nulla habita per eosdem Fratres elemosynarum ratione, quas a prædictis Benefactoribus primo dictæ duæ domus regulares dietim recipiunt, quo fit, ut non leve felici prædictarum duarum Domorum regularium gubernio præjudicium inferatur, quæ nullam aliam elemosynæ assignationem habent, præter eam, quam in dies quærunt, & quæ illis datur, quandoquidem pia Missarum celebratione nullius generis elemosynam accipiant, sed illæ pro Benefactoribus celebrantur. Quare nos præmissis quantum cum Domino possumus obviare, ac primodictarum duarum Domorum regularium indemnitati consulere volentes, Motu proprio, ac ex certa scientia nostra omnibus, & singulis cujusvis Provincie Hispaniarum Ordinis prædicti Fratribus Discalceatis hujusmodi, qui de Superiorum suorum licentia ad Aulam Regiam Matriti pro rebus, & negotiis hujusmodi pro tempore se conferent in virtute sanctæ obedientiæ, ac sub indignationis nostræ, necnon privationis vocis activæ, & passivæ, ac excommunicationis latæ sententiæ pœnis per præsentibus præcipimus, & mandamus, ne in alia, quam in una ex primodictis duabus Domibus regularibus arbitrio tamen dicti filii Ministri Provincialis Provincie S. Josephi eorumdem Fratrum diversentur, neve cujusvis generis elemosynam in prædicta Aula sub quovis prætextu, aut quæsito colore petere audeant, seu præsumant, dummodo in primo dictis duabus Domibus regularibus omnia necessaria Fratribus prædictis juxta regularis observantiæ normam ministrarentur; in eventu vero, in quem iidem Fratres aliqua re indigerint, ad Guardianum alterius ex primodictis duabus Domibus regularibus, in qua diversabuntur, non autem ad alios Superiores, seu dicto Guardiano inferiores recursum habeant. Decernentes præsentibus literas validas, firmas, & efficaces existere, & fore, suoque plenarios, & integros effectus sortiri, & obtinere, ac per omnes, & singulos ad quos spectat, & quomodolibet spectabit in futurum inviolabiliter observari: sicque per quoscumque Judices, & Commissarios, ac S. R. E. Cardinales etiam de Latere Legatos, & Nuncios, ac alios quavis auctoritate fungentes, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari. Non obstantibus Constitutionibus, & Ordinationibus Apostolicis, privilegiis quoque indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, eorum tenores præsentibus pro sufficienter expressis habentes, illis alias in suo robore permanfuris, hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Mariam Majorem sub Annulo Piscat. die XXVIII. Julii MDCXXXVI.

Dat. 17. Junii
1679. An. 3.

In primo Brevi, statutum fuit, ne fratres Discalceati ad Aulam Regiam Matriti accedentes in alia, quam in una ex eorum duabus domibus morarentur, nec elemosynam petere sub certis pœnis.

In secundo
Brevis confirmatum
fuit Decretum
Ministri Generalis
Ordinis, quo inter
alia injungebatur
Guardiano, ne permitteret,
praedictos fratres morari
Madridi ultra
20. dies.

Alterum
Breve Urb.
VIII.

Pontific. nostri Anno Decimotertio M. A. Mataldus. Loco ✠ Sigilli.

S. I. Et subinde pro parte tunc existentium Fratrum dictae Provinciae S. Josephi d. Urbano Praedecessori exposito, quod pro felici praefatarum Domorum Regularium, seu Conventuum S. Aegidii, & S. Bernardini regimine, & gubernio, tunc existens Minister Generalis dicti Ordinis inter alia statuerat, & ordinaverat, ut exteris Fratribus ad Conventus hujusmodi pro tempore venientibus, tempus viginti dierum pro terminandis, expediendisque eorum negotiis assignaretur, & quatenus intra dictos viginti dies negotia hujusmodi non expedirentur; iidem Fratres exteri è dicta Curia migrare, & ad suas Provincias regredi deberent, relicta penes Procuratorem Conventus negotiorum hujusmodi expediendorum, & exactè sollicitandorum cura: Praefatus Urbanus praedecessor Statuta, & Ordinationes hac super re ab eodem Ministro Generali facta auctoritate Apostolica confirmavit, & approbavit; & propterea omnibus, & singulis Ordinibus, & Conventuum hujusmodi Superioribus quocumque nomine nuncupatis tunc, & pro tempore existentibus in virtute Sanctae obedientiae, ac sub excommunicationis, vocisque activae, & passivae, ac suorum officiorum privationis, aliisque arbitrio suo poenis, eo ipso absque alia declaratione incurrendis mandavit, ut praefata Statuta, & Ordinationes exacte, & accurate observarent, ac ab aliis observari curarent, & facerent, & alias prout uberius, etiam continetur in aliis ejusdem Urbani Praedecessoris literis pariter in forma brevis emanatis, tenoris qui sequitur videlicet. Urbanus PP. VIII. Ad futuram rei memoriam. Exponi Nobis nuper fecerunt dilecti filii Fratres Ordinis Minorum S. Francisci de Observantia Discalceatorum nuncupatorum Provinciae S. Josephi, quod pro felici, prosperoque Conventuum S. Aegidii, & S. Bernardini dicti Ordinis Oppidi Maritimi Toletanae Diocesis regimine, & gubernio dilectus Filius Joannes Merinero Ordinis hujusmodi Minister Generalis, sub die 10. Januarii praesentis anni 1642. statuit, & ordinavit, ut ab exteris dicti Ordinis, aliarum Provinciarum Religiosis Discalceatis hujusmodi, qui in dies pro suis, aut suorum Parentum, seu consanguineorum negotiis ad Curiam Charissimi in Christo filii nostri Philippi Hispaniarum Regis Catholici se conferunt, ne Conventus praefatos in aliquo gravent, neve disciplinam Regularem inturbent in ipso eorum adventu Guardianus primordii Conventus S. Aegidii pro tempore existens, obedientiales literas, quas deferunt petere, & quamquam venerint negotia tractaturi, sciscitari, & quærare teneatur; Si vero compererit negotia hujusmodi non multum urgere Fratres Discalceatos exteros hujusmodi ad dictam Curiam sic accedentes non ultra biduum inibi consistere, & detineri curet; Si tamen negotia hujusmodi seria, & urgentia fuerint eidem Fratribus Discalceatis exteri tempus viginti dierum pro terminandis, expediendisque eorum negotiis assignet, illosque è Conventu in quo degunt egredi, non cum sociis, quos secum duxerint, sed cum Procuratore Conventus, aut cum socio dicti Procuratoris, jam ad id a Provincia designari faciat: si vero contingat intra dd. viginti dies negotia hujusmodi nullatenus expediri, eosdem exteros Fratres Discalceatos hujusmodi e dicta Curia migrare, & ad suas Provincias regredi curet, firma remanente penes eundem Priorem negotiorum hujusmodi expediendorum, & exactè sollicitandorum cura, ad quem effectum idem Joannes Minister Generalis in virtute S. Obedientiae, & Spiritus Sancti injunxit eidem Guardiano ut praemissas ordinationes, & mandata irremissibiliter exequatur, exteris autem Fratribus Dis-

calceatis hujusmodi, ut Guardiano ejusdem Conventus S. Aegidii nunc, & pro tempore existenti uti eorum Praelato, & Commissario in omnibus, & singulis dictam dispositionem concernentibus pareant, & obediant, ac insuper obedientiam, necnon mandata a dilecto Filio Ministro Provinciali ejusdem Provinciae pro illius bono regimine emanata, quae illis ubi primum ad Conventum pervenerint, notificari debeant, observent; voluitque idem Minister Generalis, ut Fratres Discalceati exteri dicti Ordinis, qui ad eandem Curiam accedunt, nec ad Conventum S. Francisci dicti Oppidi Ordinis hujusmodi nec ad personarum Saecularium Domos divertere, nec ibi pernoctare ullatenus possint, sed in eisdem SS. Aegidii, & Bernardini Conventibus commorari teneantur, quodque, nec per se, nec per interpositam personam cujusvis generis elemosynas quoquo modo quærere audeant, nisi re prius eidem Guardiano Conventus Sancti Aegidii hujusmodi communicata, & obtenta desuper ab eodem licentia. Ne vero praefata ordinationes, & Statuta a quoquam d. Ordinis Superiore alterari possint; Nobis propterea dicti Exponentes humiliter supplicari fecerunt, ut illa confirmationis nostrae patrocinio communitate de benignitate Apostolica dignaremur. Nos igitur eosdem Exponentes specialibus favoribus, & gratiis prosequi volentes, & eorum singulares Personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum harum serie absolventes, & absolutas fore censentes, hujusmodi supplicationibus inclinati, Statuta, & Ordinationes d. Joannis Ministri Generalis praefata Apostolica auctoritate, tenore praesentium confirmamus, & approbamus, illisque inviolabilis Apostolicae firmitatis robur adjicimus, ac omnes, & singulos, tam juris, quam facti quantumvis substantiales, & formales defectus, si qui desuper quomodolibet intervenerint, supplementis; Mandantes propterea omnibus, & singulis dicti Ordinis, & Conventuum hujusmodi Superioribus, quocumque nomine nuncupatis, nunc, & pro tempore existentibus in virtute S. Obedientiae, ac sub excommunicationis, vocisque activae, & passivae, ac suorum officiorum privationis, aliisque arbitrii nostri poenis eo ipso absque alia declaratione incurrendis, ut praefata ordinationes, & Statuta exacte, & accurate observent, & ab aliis observari curent, & faciant, ac decernentes praesentes Literas validas semper, & perpetuo firmas, & efficaces existere, & fore, suosque plenarios, & integros effectus sortiri, & obtinere, ac ab omnibus, & singulis quos illae concernunt, & concernent in futurum inviolabiliter, & inconcussè observari debere; irritumque, & inane, si quid secus super his a quoquam quavis auctoritate scienter, vel ignoranter contigerit attentari. Non obstantibus Constitutionibus, & Ordinationibus Apostolicis, ac quibusvis Ordinibus, Provinciae, & Conventuum hujusmodi, etiam Juramento, confirmatione Apostolica, vel quavis alia firmitate roboratis statutis, & consuetudinibus; privilegiis quoque Indultis, & Literis Apostolicis sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis Decretis, in genere, vel in specie, ac alias in contrarium praemissorum quomodolibet concessis, confirmatis, & innovatis. Quibus omnibus, & singulis, etiam pro illorum sufficienti derogatione de illis, eorumque totis tenoribus specialis, specifica, expressa, & individua, aut de verbo ad verbum, non autem per

clau-

clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, illorum omnium, & singulorum tenores presentibus pro plene, & sufficienter expressis habentes, illis alias in suo robore permanentibus, ad effectum premissorum hac vice dumtaxat specialiter, & expresse derogamus, ceterisque contrariis quibuscumque. Dat. Romae apud S. Petrum sub Annulo Piscatoris die 10. Dec. 1642. Pontificatus nostri Anno vigesimo -- M. A. Maraldus loco * Annuli Piscatoris.

Causae confirmandi, & innovandi relata Brevia.

Preces Superiorum, & Fratrum Provinciae S. Iosephi.

§. 2. Cum autem sicut pro parte dilectorum filiorum Superiorum, & Fratrum dictae Provinciae S. Iosephi Nobis nuper expositum fuit, literarum praesentium progressu in consuetudinem abierint, nec accurate observatae fuerint, propter recursum, quos Fratres illas eludendi gratia ad personas primarias habuerunt, mediaque efficacissima, quae adhibuerunt, unde magnum eidem Provinciae enatum est detrimentum: Nobis propterea dicti Exponentes humiliter supplicari fecerunt, ut in praemissis opportune providere, & ut infra indulgere de benignitate Apostolica dignemur.

§. 3. Nos igitur ipsos Exponentes specialis favore gratiae prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione vel causa latis, si quibus quomodolibet innodatus existit, ad effectum praesentium dumtaxat consequendum harum serie absolventes, & absolutas fore censentes:

§. 4. Huiusmodi supplicationibus inclinati, praesentibus binas Urbani Praedecessoris literas cum omnibus, & singulis in eis respective contentis, & expressis auctoritate Apostolica tenore praesentium approbamus, & confirmamus, ac innovamus, illisque inviolabilis Apostolicae firmitatis robur adjicimus, ac illas ab omnibus, & singulis ad quos spectat, & in futurum quomodocumque spectabit, exacte, & accurate observari praecipimus, & mandamus, necnon omnes, & singulos tam Fratres, quam Superiores, qui literis praesentibus, etiam una vice, contravenierint, eo ipso excommunicationis, ac privationis vocis activae, & passivae, & officiorum per eos obtentorum poenas, & praesertim Superiores qui Fratres praedictos in duobus Conventibus supradictis, vel eorum altero contra dispositionem literarum praesentiarum ultra viginti dies retinuerint, seu morari permiserint, absque alia declaratione incursum esse declaramus.

Confirmatur, & innovantur Brevia, eorumque executio omnibus praecipitur sub certis poenis.

Clausulae.

§. 5. Decernentes eadem praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & spectabit in futurum, plenissime suffragari: Sicque in praemissis per quoscumque Judices Ordinarios, & delegatos, etiam causarum Palatii Apostolici Auditores, judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 6. Non obstantibus praemissis, ac Constitutionibus, & Ordinationibus Apostolicis, necnon omnibus, & singulis illis, quae in literis praesentibus concessa sunt non obstare, ceterisque contrariis quibuscumque.

Datum Romae apud Sanctum Petrum sub Annulo Piscatoris die XVII. Junii MDCLXXIX. Pontificatus nostri Anno Tertio.

Confirmatur Decretum Congregationis Episcoporum, & Regularium, quo declaratum fuit, Fratres Discalceatos Ordinis S. Augustini non habere jus aggregandi ad Confraternitatem Cinturatorum, posse tamen eos Confraternitates Corrigiatorum erigere.

LXIII.

INNOCENTIUS PAPA XI.

Ad perpetuam rei memoriam.

Dat. 22. Junii 1679. An. 3.

Alias emanavit a Congregatione Venerabilium Fratrum Nostrorum S. R. E. Cardinalium negotiis, & consultationibus Episcoporum, & Regularium praeposita Decretum tenoris, qui sequitur, videlicet -- *In Causa Augustinianorum verten. inter Patrem Generalem totius Ordinis Sancti Augustini ex una, & Patres Vicarios Generales Discalceatorum Congregationum Italiae, Galliarum, Hispaniarum, & Lusitaniae altera ex partibus &c.* -- *Sacra Congregatio Eminentissimorum S. R. E. Cardinalium negotiis, & Consultationibus Episcoporum, & Regularium praeposita, partibus auditis referente Eminentissimo Crescentio, censuit non licere Discalceatis Jus aggregandi ad Confraternitatem Cinturatorum Sanctae Mariae de Consolatione positam in Ecclesia Sancti Jacobi Bononiae. Posse tamen erigere Confraternitates Corrigiatorum in propriis eorum Ecclesiis tantum, servata tamen forma Constitutionis san. mem. Clementis VIII. incipien. Quaecumque &c. sub die 7. Decembris 1604., & Decretorum ejusdem Sacrae Congregationis; Ideoque erectionem factam in Ecclesia Discalceatorum in Civitate Ulyssipona esse nullam. Romae 30. Septemb. 1678. -- Card. Gaspar Carpineus.*

Decretum Congregationis Episcoporum, & Regularium.

§. 1. Cum autem, sicut Dilectus filius Dominicus Valvatorius Procurator Generalis Fratrum Eremitarum S. Augustini Nobis nuper exposuit fecit ipse Decretum huiusmodi, quo firmius subsistat Apostolicae confirmationis Nostrae patrocinio communitur summopere desideret: Nos ipsum Dominicum Procuratorem Generalem specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum harum serie absolventes, & absolutum fore censentes, supplicationibus ejus nomine super hoc Nobis humiliter porrectis inclinati, Decretum praesentium auctoritate Apostolica, tenore praesentium approbamus, & confirmamus, illique inviolabilis Apostolicae firmitatis robur adjicimus, salva tamen semper in praemissis auctoritate memoratae Congregationis Cardinalium.

Preces Procuratoris Generalis Ordinis Eremitarum S. Augustini.

Confirmatur relatum Decretum.

Clausulae.

§. 2. Decernentes eadem praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit, plenissime suffragari, & ab eis respective inviolabiliter observari, sicque in praemissis per quoscumque Judices Ordinarios, & delegatos, etiam causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ceterisque contrariis quibuscumque.

§. 4. Volumus autem, ut praesentium literarum transumptis, seu exemplis etiam impressis, manu alicujus Notarii publici subscriptis, & sigillo personae in Ecclesiastica dignitate constitutae